



Publicaziuns dalla vischnaunca, jamna 39

Damondas da baghegiar

2022-1061.000

Datum dalla publicaziun: 30 da settember 2022

Il patrun: STWEG parcella 1156, Casa Giulia, Via Peisel 21, 7186 Segnas
Il representant: Rudolf Büchi, Via Peisel 21, 7186 Segnas
Object: Construcziun d'ina nova finiastra el tetg, sanaziun dil tetg cun izolaziun supplementara, parcella 1156, Via Peisel 21, 7186 Segnas.

2022-1062.000

Datum dalla publicaziun: 30 da settember 2022

Il patrun: Hotel Alpsu AG, Via Alpsu 4, 7180 Disentis/Mustér
Il representant: Spacial Design GmbH, Via Principala 67, 7166 Trun
Object: Sanaziun interna da differentas combras, engrondaziun dalla surfatscha da habitar entras la midada d'intent dalla terrassa a surfatscha da habitar tiegl edifices nr. 58, parcella 715, Via Alpsu 4, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 30 da settember 2022

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2019-1035.001

Niklaus ed Elisabeth Waldis-Hörler, Segantinistrasse 17, 7000 Cuera; midada da project: niev indrez fotovoltaic sin parcella 1831, Via Plaun Sut 9, 7180 Disentis/Mustér.

Nr. 2022-1037.000

Victor ed Erika Candinas-Bearth, Via Cafeni 11, 7180 Disentis/Mustér; construcziun nova d'ina garascha cun in indrez fotovoltaic sin parcella 3931, Via Cafeni 13, 7180 Disentis/Mustér.

Nr. 2022-1047.000

Edgar Durschei-Keller, Via Ansauna 2, 7186 Segnas; niev indrez fotovoltaic vid la fatschada digl edifices nr. 388, parcella 53, Via Sut Vitg 9, 7186 Segnas.

Nr. 2022-1051.000

Recal SA, Via dalla Stampa 8, 7180 Disentis/Mustér; amplificaziun dil scaldament lontan, colligaziuns parcellas 725, 728, 729, 918, 926, 924, 970, 1107, 2242 e 2243, 7180 Disentis/Mustér.

Disentis/Mustér, ils 30 da settember 2022

Uffeci da baghegiar Disentis/Mustér



Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou ils suandonts projects:

Nr. 2022-2057.000

Banca Raiffeisen Cadi, Via Cons 1, 7180 Disentis/Mustér; sanaziun dalla fatschada e construcziun d'in indrez fotovoltaic sin tetg, parcella 703, Via Cons 1, 7180 Disentis/Mustér.

Nr. 2022-2088.000

Corporaziun d'aua Spina da Vin, Caum postal 132, 7180 Disentis/Mustér; adattaziuns dil conduct d'aua, remplazzament dalla seiv existenta, parcella 1304 e 3924, Via Aletta 13, 7180 Disentis/Mustér.

Nr. 2022-2089.000

Florina ed Alexi Monn, Via Cons-Su 2, 7180 Disentis/Mustér; remplazzar la stora dil tetg e la stora dil curtin d'unviern, parcella 637, Via Cons-Su 2, 7180 Disentis/Mustér.

Disentis/Mustér, ils 30 da settember 2022
Uffeci da baghegiar Disentis/Mustér

Serrada via d'uaul Plaunca Su–Pardi

Las lavurs da construcziun en connex cul project da reparar e rinforzar la via d'uaul Plaunca Su–Pardi entscheivan **gliendisdis, ils 19 da settember 2022, e cuozan entochen venderdis, ils 7 d'october 2022.**

Duront il temps da baghegiar sto il tschancun dil plazzal da construcziun vegnir serraus pil traffic motorisau. Per contonscher ils mises a Plaun Menisch exista la pusseivladad da carrar sur la Val da Segnas.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Scaldaments mobils el liber

Bulius da scaldar, radiateurs, radiateurs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂, e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ .a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La cumpensaziun dall'immissiun da CO₂ succeda entras il possessur ni entras la vischnaunca.



4. Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electricis sa l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa **frs. 60.–**.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Disentis/Mustér, ils 26 da settember 2022
Administraziun communal

Controlla da habitonts

Mortoris

Fritz Bach-Sacchi, naschius ils 7 da mars 1932, morts ils 22 da settember 2022.

Reto Anton Schnoz-Demont, naschius ils 19 da zercladur 1945, morts ils 26 da settember 2022.

Sera d'informaziun per interessai dalla scola da talents.Surselva

Sera d'informaziun per interessai dalla scola da talents.Surselva ha liug **mesjamna, ils 5 d'october 2022, allas 19.30 ell'aula dalla scola a Glion.**

Dapli informaziuns sut «Vischnaunca Ilanz/Glion».

Infoabend für Interessierte der TalentSchule.Surselva

Infoabend für Interessierte der TalentSchule.Surselva findet am **Mittwoch, 5. Oktober 2022, um 19.30 Uhr in der Aula im Schulhaus in Ilanz statt.**

Mehr Informationen unter «Gemeinde Ilanz/Glion».



Rimnada da pupi

Venderdis, ils 7-10-2022

Preziadas convischinas, prezias convischins. La rimnada da pupi d'october ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospectes stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei da **gliendisdis tochen venderdis (12.00–17.00) e sondas (10.00–12.00)** e buca durant la rimnada.

Bien engraziament per Vies agid e sustegn!
Nossa Scola populara Mustér, Ch. Berger

Colonna d'agid Mustér

Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau durant ovg mesjamnas-sera in cuors da reiver per affons dallas annadas 2015 entochen 2010.

Liug: halla da reiver el Center da sport e cultura, Mustér

Entschatta: **mesjamna, ils 26-10-2022, entochen miez december 2022**, 17.30–19.00

Annadas 2015–2010

Menaders: commembers dalla Colonna d'agid Mustér cun brevet Giuventetgna + sport

Annunzias: Entochen gliendisdis, ils 24-10-2022, alla Colonna d'agid Mustér, Otmar Venzin, 079 381 25 52

Segirada ei caussa da mintga participont/a.

Colonna d'agid Mustér

Uniun da gimnastica UGM

Invitaziun alla radunonza generala, **venderdis, ils 30 da settember 2022**, allas 19.30 el hotel «Alpsu», ed alla gimnastica da seniors e giuvens seniors **gliendisdis, ils 3 d'october 2022**, allas 20.00 el Center Fontauna.

Suenter la radunonza vegn offeriu l'usitada tscheina.

La suprastonza

Invitaziun Seniors-Ca

Gievgia, ils 6 d'october 2022, allas 12.00 en casa da scola (cuschina) Mustér. Tierz gentar preparaues da senior/-as per senior/-as. Treis tratgas per in fetg favoreivel prezi. Annunzia pil gentar entochen **gliendisdis, ils 3 d'october 2022**, allas 17.00 a Puntreis sut 081 929 56 56. Il diember da plazz ei limitaues.

Post d'informaziun Seniors-Ca



Uniun da tscheiver Mustér

Radunonza generala Uniun da tscheiver Mustér

La proxima radunonza generala dall'Uniun da tscheiver Mustér ei **venderdis, ils 7 d'october 2022**, allas 20.00 en l'ustria «Fravia» a Disla. Nus sperein sin stedia participaziun. Era persunas che vulan daventar commembras ni commembers da l'UTM ein cordialmain envidai. Suenter radunonza vegn offeriu ina tscheina allas commembras ed ils commembers.

La suprastonza dall'UTM

Buorsa da brat da Panini

Campionadi mundial da ballapei 2022 a Qatar

Rimnar – encurir – brattar!

Ti has taccaders da Panini dubel ed auters mauncan aunc a ti? Lu eis ti endretg tier nossa buorsa da brat!

gievgia, ils 6-10-2022, dallas 16.00–17.00

mardis, ils 25-10-2022, dallas 16.00–17.00

en la Biblioteca populara Disentis/Mustér e contuorn.

Nus selegrein sin bia rimnaders da Panini!

Il team dalla biblioteca

Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 4 d'october 2022** naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan

lils organisaturs dalla sera da troccas
